

## OWEN, WILLIAM (1750 - 1830), clerigwr efengylaidd

**Enw:** William Owen  
**Dyddiad geni:** 1750  
**Dyddiad marw:** 1830  
**Rhiant:** Joseph Owen  
**Rhyw:** Gwryw  
**Galwedigaeth:** clerigwr efengylaidd  
**Maes gweithgaredd:** Crefydd  
**Awdur:** Daniel Williams

Olynydd [Thomas Charles](#) o'r Bala yn Sparkford a Milborne Port, Gwlad yr Haf; mab hynaf Joseph Owen, rhydd-ddeiliad y Fron Goch, Nanhyfer, Sir Benfro; ganwyd yn 1750. Ordeiniwyd ef yn ddiakon ar 15 Awst 1773 ac yn offeiriad ar 6 Awst 1775. Bu'n gurad yn ei gartref, sef Nanhyfer, 1775-9, yn Sparkford, 1783-5, ac yn Milborne Port, 1785-91, gan ddyfod yn gurad 'parhaol' yn Milborne Port yn nes ymlaen. Rhoddes esgob Henffordd iddo ficeriaeth Almeley 11 Rhagfyr 1816 ac at hynny cafodd reithoraeth Ryme Intrinsica, Sherborne, 6 Mawrth 1823, dan nawddogaeth tywysog Cymru (y brenin Siôr IV wedi hynny). Ymwelai â Sir Benfro 'n fynych, a daeth y Fron Goch yn eiddo iddo ar farw ei dad. Bu'n gefnogydd eiddgar i'r genhadaeth dramor (y ' Church Missionary Society'). Bu farw 4 Chwefror 1830 a chladdwyd yn Sherborne.

### Awdur

Y Parchedig Daniel Williams, (1878 - 1968)

### Ffynonellau

Edward Morgan, *A brief Memoir of the life and labours of the Rev. T. Charles, A.B. late of Bala, Merionethshire* (London 1831), 196

*Transactions of the Carmarthenshire Antiquarian Society and Field Club*, ii, 193

Edward Morgan, *Essays, letters, and interesting papers of the late Rev. Thomas Charles* (London 1836), 359-60

D. E. Jenkins, *Life of Thomas Charles* (Dinbych 1908), i, 518-9

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

